

隸

韻

隸韻攷證卷下

大興 翁方綱

上聲

二腫

史晨碑允字勝婁氏字原遠甚此字在碑第六行之末底年久爲石趺所偏其每行末一字不可見矣二十年前予屬曲阜孔莊谷設法架起全碑乃得精拓一二紙今又在石趺之內無人知矣此摹不誤其中

隸韻

攷證下

間橫過之一筆微嫌太彎耳婁氏字原既沿誤而毛氏重刻本猶妄作古筆杈枒之勢以炫人尤可笑也卒史碑奉字不誤然既摹其隸則不得不細講者此碑奉字舉字內下二小橫畫皆不放平所以得篆意也魯峻碑奏字亦如此今劉刻上一小橫左邊雖微短少許而已不能存此意矣字原更失之

四紙

卒史碑豕字上第二畫右不出波

景君碑璽字上三點非如此圓

禮器碑紫字再見上極華紫紫字中間大垂彎筆內
作方折上合紫臺紫字上內小點是自左而右非自
右而左其系下紐中間斷住有略空意此皆隸法所
必講者此摹但艸艸耳

五旨

史晨碑死字上橫非如此偏左

孔宙碑簋字艮之下橫右無出波

六止

魯峻碑止字右內一筆是帶迴彎又似斜掠之點不如此太垂長

魯峻碑始字乍看不誤然有說焉此碑凡女旁左邊第二大彎之頂起處多一小彎此篆勢也此始字則左女第二大彎其起處向上頓勢稍輕年久拓本不可得見即其第一彎之下脚亦沈頓有似微彎者此碑法古拙也今此書於此碑女旁之一字所不

採而爲之此字又焉能悉其所以然乎
魯峻碑仕字右內只一小撇自右而左非分開左右
二筆

孔宙碑仕字右內二小筆居中此太靠上

鄭固碑子字上圓用篆非方也

夏承碑矣字與華東沙家所藏宋拓本微有不同此
碑華氏真賞齋宋本最精予嘗手自摹出絲毫不差
今已重勒於廣平郡治重建愛古軒以覆之矣吳山

夫雙鈎本亦出於此將來必有据宋本以疑劉韻此字者然劉氏此摹與成化本上半真拓相同非無因也成化本與嘉靖本之同異原委知者罕矣此可資攷

衡方碑華廟碑二起字左半皆無欹斜之勢不知何以致誤也華碑此字右已末有小點此失之八語

楊君斜谷碑序字內下一筆似連下而非連下此摹

作一筆誤然其誤有因此間恰在石泐處也亦可見
斜谷厓間此泐痕南宋時已如此

鄭固碑所字上大橫與左邊垂下之筆雖若相連實
是二筆此竟作圓折而下誤也此碑間有用篆勢處
而此字則不然

武梁畫像碑楚字前後再見皆不如此實是誤摹此
碑在南宋時已屢有翻本

韓勅碑陰呂字中無小直而其下右肩不離開此皆

失之

九虞

孔宙碑禹字上頂小筆起處與中直之頂相際不如
此出右外

禮器碑字字上點不如此太偏右

上二下補字右橫上末有點今日因石膚磨淺稍不
二二不北見此點矣乃南宋時已有此失邇
二二其斜向左界此字也而宋時已

六

景君碑武字右上末正在石泐處非無點也不得執此所摹誤以爲武字右上無點

魯峻碑陰武字非魯峻碑陰已詳前條

武梁畫像取字非是大約此碑字極小難摹耳

十姥

夏承碑簿字內右甫頂原石因接上中之小直所以似不出頭也今此摹既微移開與上右中之直不相

承而却不出頭則失之

卒史碑魯字上半不如此欹斜

張納功德叙股是股即盤字也此誤作股

楊君斜谷碑午字上頂一點略偏左有斜注勢非圓點

十一薺

夏堪碑洗字右下左出一撇不與上連字原沿此而更輕細耳然却可資證

楊君斜谷碑詆字是姓氏之氏非詆字也此誤作詆
此一條刪去

史晨碑稽字右上橫畫是自左而右末上加點此摹
失

十二蟹

帝堯碑解字右半摹失字原可略證之

十五海

石經論語改字右上不應出波

隸韻

不致證下

六

劉熊碑采字今宋拓殘本此字尚明白中間一橫較上更短而右無出波上三點不如此圓

魯峻碑乃字左上石泐然左邊是二筆非連下也

十六軫

石經論語敏字右上無出波

孔宙碑敏字是畎畎之畎劉誤作敏此洪氏所已糾正者而婁氏字原尚沿此採入敏字下劉書出於坊賈輩轉不足責而婁氏乃尊信其說者何以茫無別

擇至此

十八吻

孔彪碑憤字左旁右內之小筆似帶斜挑而非小橫
此失之

十九隱

卒史碑謹字兩見其右上廿一連一斷自以連爲正
而此反取其斷者

羊竇道碑近字婁氏字原左上有點洪釋板本亦有

點此獨無點此碑字多奇怪未見拓本然寧慎之

二十阮

魯峻碑遠字不誤婁改之非也景君碑遠字則左上
一點尚是右內之下二小筆及左下收處劉刻皆誤
婁改更非惟羊竇道碑右內下三筆當依劉而左上
加一折當依婁也樊毅復民租碑今不可見劉與婁
當參之

一八

五瑞碑電字下右肩不如此離作二筆

樊毅脩華嶽碑辨字未必是此辨字字原沿此亦未

然

景君碑辨字上二點皆似橫掠之筆此所摹右一點
竟成楷書矣中間一直之下半却不甚迤斜而兩旁
二大直皆齊長其左一大直末微帶斜勢此皆失之
曹騰碑陰遣字今不可見然凡遇一字右末上下二
層皆出波者皆宜慎之

楊君斜谷碑右之是上三筆下一筆帶收此作上四筆而下筆另收失之

王純碑亮字不當採入即使其原是借用正復何必載之此等處顧氏隸辨勝於婁氏字原遠矣

韓勅碑陰亮字上頂及中紐左右四點全失之

摹本誤

二十九篠

楊君斜谷碑曉字左日却是欹斜左長右短如半邊

形此失之

原本微斜摹手不善體會

三十一巧

魯峻碑卯字左外一筆失其方矩

原本起筆疑注而
起此摹本之失

鄭固碑爪字在今石初處賴此刻猶得以想其意不
爲無補婁氏字原沿此而太過耳顧氏隸辨則不辨
所由而但執隸釋板本以議之更爲疎外

三十二皓

鄭固碑考字上半已泐而尚見下半是也
也想南宋時此石已有泐痕而劉氏不詳審以致此誤

孔宙碑道字左上上是白右而左之三筆非三點此失

之

原本之誤

三十五馬

景君碑假字內左半直下之末橫直皆有出頭此皆

失之

原本之誤

三十六養

史晨碑養字右上小捺視原本太短太輕微

景君碑像字左人起筆尚微多一小折右末一筆是

直垂下無出波此皆失之

原拓本之誤

唐扶頌掌字是牽非常也此誤作掌字後序已糾正
卒史碑岡字內亡上無小直筆因石有微泐痕正在
亡上偏右處若似其迤左一小直者而非直也今日
精拓本尚或辨之此摹之誤尚非無因若婁之字原
顧之隸辨則更失之

三十七蕩

魯峻碑廣字上右半正在石泐處其小橫是如此離

開與否宜存攷

三十八梗

史晨碑血字是血非皿也此碑語用何休公羊傳注
劉韻益南宋書賈輩所爲所以未詳考而致誤也乃
婁氏字原亦沿之

三十九耿

史晨碑耿耿二字其上一字耳旁左下微有向外起
起之意下一字左末雖有向外捲起勢然亦有向外

過長於上橫之左外也此摹僅取其下一字而又太放尖出外

四十靜

魯峻碑靜字右爭中間內橫不出於右外此失之

夏承碑請字右下月內一圓點誤作橫又誤作偏右四十一迥

夏承碑並字左多一點不知其由此碑除字亦左下下多一點嘗於一舊摹本見之已著於前條矣此字

則未見也婁氏字原沿之又改作一圓點更奇矣大約南宋時此碑或有摹勒者不始於明成化本也愚昔撰夏承碑考獨未及於此字俟再攷之

鄭固碑鼎字下半全非

夏承碑挺字右上一筆是另起非連下是自右而左非自左而右

史晨碑挺字左手之上筆是自左而右非自右而左其中間上一點是自左而右之掠勢非順點也其第

一紐與第二紐相連而下此分作二筆誤

四十三等

孔彪碑等字中間上半一小直是穿上此誤

四十四有

孔宙碑朽字左木內點不如此放長

摹本從長

夏承碑不字上橫左起處微有沈頓意豈至如此另

出一圓長之筆

此係摹本大誤宜改正

四十五厚

巴官鐵盆銘斗字洪氏隸續謂是斤字不及此作斗之爲是此則劉韻之足以正洪氏者洪文惠乃輕量劉氏子蓋未詳審至此條耳○劉韻以此爲斗字其說所本今惟見於陳思寶刻叢編第十九卷所引此條作巴官鹽量銘疑是斗字此說是也然陳氏叢編此條其語未完下有闕失未知所引誰氏之書陳氏叢編成於宋末理宗時劉氏隸韻淳熙二年所進尚在寶刻叢編之前蓋劉氏所見乃陳思所引之原書

惜今無從考矣

四十九敢

史晨碑敢字左上內實有小直此失之即卒史碑敢字左上內此摹無一小直然卒史碑此處雖泐亦未敢信

鄭固碑敢字在中段近始出土前人多未見者其左上一筆用篆勢自內迴折至上小橫又於其上內偏左處用圓直之點此點劉本誤作尖點順勢失其圓

形此下左末之橫亦不放出外皆劉之摹失也顧氏
隸辨乃沿婁氏婁氏字原乃沿此刻今日知有此中
段出土者甚少今以精拓審定乃知是劉氏此刻之
誤有以啟之

孔彪碑敢字右上一橫畫不如此之彎曲
去聲

一送

鄭固碑貢字下二點之左正在石泐處此左筆誤作

楷勢知南宋時此處已泐也

此篆手之失
恐非石泐

孔宙碑貢字原石下二筆極分明何致誤作楷勢放
尖準此以推則此刻凡波尾及點放尖處皆宜慎擇
此可作發凡也

卒史碑衆字下半中直之上筆是向右非向左

韓勅碑陰仲字數見皆無右口之外下多出一點者
婁氏字原亦沿此誤然婁所据劉韻蓋其初本未至
訛舛如此今轉得借婁氏字原之沿此誤者證之知

此又是翻摹劉氏隸韻之再誤則字原此處又有功於此刻矣

三用

鄭固碑奉字上直不與下直通連此摹鐫之失

史晨祠孔廟銘共字下左一筆太斜向內

四絳

武榮碑絳字左系之下三筆是分三點此誤也右半之中直上有穿出而其下小轉之橫不如此靠內長

出是一筆非二筆

五真

禮器碑伎字此字洪氏隸釋以爲卽暨字婁氏字原
遂採入暨字下然洪釋以爲伎卽暨者揣度之詞此
碑云上極華紫旁伎皇代旁伎二字文義本應闕慎
豈應執他處文法以旁字對上字遂謂旁伎卽旁暨
乎自不若劉氏仍採入伎字下爲無害耳

魯峻碑企字下末橫不如此長出作波

魯峻碑騎字左馬下彎之末有向左趯筆右上不如
此出鋒

史晨碑義字下左半是王字向右作斜上形末非小
撇

六至

魯峻碑謚字左上是小橫非點亦非，此與婁皆誤
下口非如此斜

景君碑帥字右內二點雖若俯垂而不如此之垂至

地

卒史碑器字三見其中間一器字中橫末有點貼緊橫右之末甚明白其前後二器字皆似中橫之末無點而皆切近石泐處即使前後二器字有一省去中橫之末點亦當均採之以備攷不得但据其前一器字遂謂無點也

禮器碑駢字婁氏援集韻與驥通附採於驥字下按禮記文王世子注引孝經援神契州里驢於邑陸氏

釋文驢皇音冀冀及也此與孔疏慕仰義同此碑云
初學莫不驢思正是慕仰之義豈得入驢字下乎劉
韻別出驢字爲是

孔宙碑懿字右下外末筆多上一橫出之小折

孔彪碑懿字右心末小點非如此圓勢

卒史碑備字右上橫之上非二點也其左似一點而
極輕其右乃是一大撇自右而左垂曳而下此作二
筆誤也下用之中直微有透上之意半透不穿出而

其上小橫却不穿過中直之左此皆失之

史晨碑備字右上却作二筆若竟似二點者其上條
卒史碑則迥不如此也此猶隸書者字中一撇亦偶
有似作中斷者行筆之小變耳其右中間橫過一筆
則是未有出波非橫畫也用上出頭而下不出頭此
亦失之

七志

王稚子關侍字右下直末有趯起之筆但不縱耳

鄭固碑事字前後再見其下內一長橫雖出右外有波然此橫之中間與末波皆一律勁直與他字橫畫之中間略輕而右末沈頓者迥別且其上口是篆勢此亦失之便非此碑事字矣

夏承碑意字下內二點與第一點相帶非如此另自起尖

卒史碑意字末二點不如此圓

禮器碑意字下三點各自起不如此一例尖

八未

衡方碑氣字內下四點其上二點是自外而內其下二點是自內而外此所摹雖下二點是向外而不肖其逆掠勢

靈臺碑氣字婁氏字原沿此雖顧氏隸辨据洪釋駁之然此碑今不存劉刻尚足資攷顧南原未見劉氏此刻所以不知字原所本耳

九御

孔彪碑御字中間下匕內止一點此誤作二點
楊淮碑御字中間下半忽出一斜左似撇之筆實是
石泐裂紋非字畫所有也今以精拓驗之乃知是宋
時已有此泐痕以致婁氏沿誤

景君碑舉字上半中間上一直彎從右垂下而其下
小勒筆復從下匕自左而右非上直斜垂向左與下
勒連作一筆也婁沿此益謬

十遇

武梁畫像碑赴字左邊是走非走以精拓淡墨本諦
審乃得之小隸書不出波字原因而更誤

十一暮

鄭固碑訴字右大彎一筆方折非圓雖相連下其實
仍是二筆但神理貫注耳豈其上橫自右而左乎右
下內三橫畫一律齊平非下橫特長出

楊君斜谷碑路字左口下非圓點

夏承碑路字左止下末尖不如此太彎向下

十二齋

景君碑涕字右上二筆是直點非左右波

卒史碑第字不獨次橫穿左大出即下一橫亦穿左
大出其左內小直居上下二橫畫之靠內將二分許
此尚未盡

韓勅碑陰第字上第二橫左邊長出不誤但此一筆

是於上橫之外

上橫應帶下而却住不帶下

另起自爲一筆不與

上橫相連乃另從上橫末之右外特起小直乃一氣

自右而左其右肘下微頓處圓折而過他處第字從無此樣此未能盡

按說文弟韋束之次第也則次第之弟應作弟周易第字猶作弟見陸氏釋文至玉篇弟部始另出第字注云今爲第幾也然漢隸次第之第皆作弟以𠂔爲𠂔也此內第字下載卒史碑范式碑詳此二碑皆高第之字則漢器隸銘凡第幾皆書𠂔頭當附採於此下也此書之次當先列弟字於前再列第字於後而

漢器物銘第幾之字亦必當詳著云

楊君斜谷碑隸字左下示之下二筆是篆勢此未合
按婁氏字原載楊淮碑以款爲隸然楊淮碑款特
司隸官名之款豈得盡以概篆隸之隸乎洪文惠
續急就章隸字用繁陽令碑亦未嘗用楊淮碑款
字也洪氏云篇莫加於類篇韻莫善於集韻所載
隸古以石刻校之攢撫尚多脫略隸法皆以悠作
悠司馬防東尉碑又省作悠稽之篇韻咸無焉聊

因論此擬急就之一章云云洪氏急就所採如戚伯著碑之類則又何嘗非取新尚異與魏晉以後字體錯出者奚所區別且既云熹平石經未嘗一字好奇則若此之類學者寧慎擇焉可矣附著於此

無極山碑遲字此碑銘云禱禳請祈應速不遲玉篇遲與遲同此與乃計切者同一字而音義迥別應入平聲不應入去聲

十三祭

鄭固碑卣字再見皆上三个十字與下一大橫各自起訖此原不須說者惟後一卣字其上十之直末與左十之橫右末此間石有泐勢恰在上直與下橫之際劉氏隸韻遂誤摹作卣竟似上直之尾與左橫之右末相連爲一筆者藉使原本果有如此之勢亦當並載其前一世字使觀者不惑也無如書賈輩皆異轉不採其前一世字三處分畫最明白者而專採其

後一世字中有泐痕者其實隸書固無此法也以致婁氏字原沿此加誤于上十之直尾圓穿至左外又作斜尖醜惡不成字形顧氏隸辨益亦覺其非而不
知諦審原石竟莫敢是正

禮器碑世字左直之上石有斜泐痕今其泐痕已上連前一字一望而知是泐痕矣想宋時其泐痕尚輕微有似于一斜拂之勢是以此刻莫辨其爲泐痕竟摹入字內左直之上多出一折而不知者遂誤爲漢

隸韻

攷證下

三

隸世字有此形也婁氏字原因之而加甚

卒史碑世字再見其下橫畫皆不如此圓彎

卒史碑史晨碑制字左下彎入一筆皆無此放尖

史晨碑散字左內中間二直不如此迤斜婁氏字原

尚知略爲改正

孔宙碑幣字下巾之右小彎一筆不如此掠尖

景君碑衛字中間帛訛作帛蓋南宋時拓本已不

明致誤如此

十四泰

孔彪碑陰外字右直不如此逆斜

十六怪

史晨碑拜字右邊一直實不穿上此摹不誤婁氏字
原改之非也

十八隊

王稚子闕內字左末無向外勢

劉熊碑誨字右半不如此作圓勢右下一筆亦不如

此穿底有尖

十九代

武梁畫像碑態字右上以非以

景君碑陰荏字是在平縣名之荏

漢志注荏音仕疑反

此誤作

在此條應刪去

二十二稗

郝閣頌殿婁壽碑殿皆是愛字此誤作舜後序已糾

連

二十三問

校官碑訓字左上小橫非偏左之半筆此鐫工之失

二十四歛

孔宙碑陰靳字左上廿之中橫是連非斷

二十五願

韓勅碑陰憲心末筆起處雖似微頓不至如此長出

二十六恩

鄭固碑遁字在第四行之末此石今雖尚存上中下

三段而此字久亡其字勢不可復究劉氏所摹借以資考可矣然此乃逡巡之巡應入平聲不應入去聲婁氏字原亦沿其誤

二十八翰

景君碑陰漢字凡數見口下實皆是二橫並非三橫

此何以致誤

原本之誤

王稚子闕漢字右下實是二筆並非四點婁氏字原沿此而誤不待言矣乃婁氏又於其全書卷尾特論

王稚子闕漢字是四點且有發筆甚長之說此碑今日拓者甚少愚有精拓本又嘗見明末太倉黃翼聖知四川新都縣時於榛莽中手自剔出之舊拓本實是二筆非四點字原沿自隸韻若非今日灼知詳辨其誤何時得釋然耶

景君碑幹字右上之右捺不如此出波其右下木之

二垂筆是篆勢非分開二筆

右捺出波乃摹本之誤

二十九換

隸韻

張謹下

五

魯峻碑灌字左上一點是向內之逆勢非向外之順
點其右上卅頭二小直是對趯之斜勢非如此板下
之直惟其卅頭中間石有泐痕不遇精拓本則乍看
似是中間板對直下之筆竟非隸勢殊可怪也一沿
而爲婁刻再沿而爲顧刻原石日益剝損而知者益
少矣

禮器碑畔字右上二點皆向左掠勢非如此相對
劉寬後碑殷是殷字非段字此誤

禮器碑亂字左上三小點不如此圓三點下之一小
彎尚有其左邊半筆此失之

三十五笑

卒史碑廟字右月上頂開口處在上橫之左此誤在

上橫之下

原本
之誤

三十六效

魯峻碑效字右上一橫其末是趯非出波。此碑凡
支旁之字右乚皆於橫尾上趯漢隸他碑之所無蓋

亦從篆勢出也然此碑日久石膚漸淺久無知此者
矣愚篋有極舊之精拓乃能辨之此從來言漢隸者
所未嘗及也。右中間一撇起處小彎是向左作彎
勢非向右也

劉熊碑宋拓殘本效字尚極明白其左下二點與下
二筆交注而下此所摹大謬其右末捺起處拓已昏
蝕遂致摹誤若此

史晨祠孔廟銘效字其左上與右上皆是中一筆直

下再分開兩邊其右上之分開兩邊則兩邊二筆之
末皆似放波其左下第一小撇與第二筆起處貼緊
相連其右下則是以中直轉過右半虛其左半如文
形也此所摹乃全無一筆是此字者荒謬之極原刻本誤
楊淮碑校字前後兩見其前一字左作扌旁所以末
有向外之勢後一字作木旁則末無向外勢也此所
摹既是木旁而又有向外勢則無此字矣

三十七號

禮器碑與字頂上一小筆極圓活似欹而正此太偏左矣此字今石漸磨滅其頂筆不甚辨矣予有精拓本始辨正之

華山廟碑報字右下內圓點是裹在上小橫彎之下此尚未合字原已改正

史晨碑軟字左下一直徑住不如此外掠出鋒四十碼

魏受禪表赦字左半之左外一筆並無上小彎也左

連下內二直之頂亦無交合之橫磬右上橫亦不出
波此皆失

史晨碑夜字上橫之上另作一點非直穿下其右邊
捺出之二筆皆沈頓不出尖

四十一漾

武梁畫像碑望字上左山右口皆略寓斜勢唐荊川

家所藏宋拓

錢題
唐榻

本實是如此而宋時所拓已有不

甚分明者二分許之細隸無怪摹誤

卒史碑狀字右火末實逆折而上即右點之相連勢也今石此處雖泐尚可想見何以宋時已不得見精拓本耶若不辨明必致誤傳漢隸此右無點矣
劉熊碑電字原石下匕承上正中不如此偏左

四十二宕

華山亭碑亢字左下二筆可以字原考證之其上橫起處有離開之小缺勢則鑄工之失耳

此原刻之誤非摹鑄之失

四十三映

禮器碑咏字左口原石直似四筆各爲頓起方見古趣其右上是小橫非點此皆摹成楷書

四十五勁

卒史碑政字左內點非此四樣

魯峻碑敬字文上一橫之末特翹起作上出之小趯筆非出外波也此碑凡左文皆然已詳前條

禮器碑鏡字左金之最上右一筆乃不出波之小橫捺非點也其下靠內之二點皆逆掠自左而右非自

右而左

四十六徑

禮器碑磬字曩時愚亦疑此下石內口之旁二小直
未必其上高出如許或恐被人鑿添其上分許耳想
宋時見拓本時亦已有此疑也所以劉韻摹此下口
無其高出分許之勢也氏字原亦沿之耳今以精拓
數本諦審之實非後人增出自以定依托本爲正而
此摹非也

禮器碑定字內二層之中以一斜注之筆穿下此作二筆另起非

四十九宥

史晨碑舊字上半正右石泐處以淡墨精拓本諦審實四點非二點

禮器碑舊字上是四點非二點

石經論語獸字愚見宋拓本鳥獸不可與同羣獸字左內直不穿下而其右上有點此摹非是

景君碑授字右上是三點相並三點之末皆微寓向
右勢此失之

五十候

武梁畫像碑後字前後數見並不如此

靈臺碑魯峻碑奏字下內二小橫畫此刻雖摹未肖
然尚皆不失古意蓋其上一小橫是斜出右微高起
非板作二橫也何義門尚能言之然義門未得見此
刻也婁氏字原則沿此而失之

五十五豔

婁壽碑戠字左下月上橫畫中間離開此必鐫工之誤

入聲

一屋

石經論語穀字今見宋拓本五穀不分穀字左內中直是穿上其右上小橫與上口齊不外出波

禮器碑族字右上右一小筆乃是外捺之不出波者

非橫亦非點右下大橫不出波此皆失之

禮器碑獨字右下內虫之口下二小直開口不如此
竟成口字

史晨碑復字左下是二筆其上似橫者是自右而左
然後另於其下接起下筆下筆之尾不出波也其右
上橫亦不出波此皆失

原刻微有一橫頓住下筆另起之意摹手誤會爲一筆

魯峻碑牧字右文上橫之末趯起非波已詳前條
史晨饗孔廟碑開字下一橫內是從左下逆捲而上

乃從右垂下是一筆相貫非三筆分開

原刻既誤摹手更失之矣

三燭

魯峻碑足字下左筆末與下大收之起處是作一筆迴帶非另放尖

卒史碑欲字左內之左筆雖依原石而其末微失於翹起以致字原加誤

五質

孔宙碑夫是矢字非失字應改入上聲

隸韻

攷證下

三

卒史碑七字中間一小彎此作斜下尚非也其直穿下時尚不斜至末尾乃稍寓斜向右之意所以今日拓本紙墨不分明乍看竟似十字也非精拓不能知是七

禮器碑凍字右上只一筆非二筆此刻誤也字原改之而又有失

夏承碑疾字上頂之右末不如此出波

武榮碑匡字內二小筆是圓點

原刻二小筆是左右向外兩趯又改加兩

點似×
形悉謬

九迄

夏承碑物字下板本多出一小畫此鐫工之失

十月

卒史碑曰字上頂開口此失

禮器碑竭字右下多出一圓點其右上之左直不與
下彎橫起處相連此失之

孔彪碑竭字右下勾內直畫是承上曰之下先以此

直穿下到小橫之頂然後於中間之筆出右邊橫
彎此失之

十一沒

孔宙碑歿字左內有小點此失之

十四點

夏承碑察字左內大彎折處誤作二筆

此摹本
之失

十七薛

衡方碑泄字左上點亦自左逆入不如此尖向外

孔宙碑設字右上一筆回折入內止回折入小橫之內微作重頓非又有再向上出之小直也其右中橫亦不出波大抵隸書凡右半下有波者則上無波此多是後人摹失

十八藥

魯峻碑爍字此碑今德孔爍隸釋云鑠易从女然此碑喚的皆易火爲日詳審此字左母即从日之或體所以即是鑠字也此刻既以的入灼字則自不應另

出女旁之字矣

十九鐸

鄭固碑模字洪釋卽模字此誤作幕

耿氏鎗作字左上是逆筆此誤

孔宙碑酢字右半今在石泐處昔嘗與友讀碑至此友人輒舉說文酬酢字酉旁从昔此碑正泐其半或漢隸作醋乎愚無以應之也今見劉刻是酢字實與儀禮作酢相合不必援說文謂漢隸从昔也周禮春

官司尊彝宋嘉祐石經篆用醕字自是篆書依說文也孔宙此碑在延嘉七年在鄭康成注禮經之前則漢時醕酢从乍固不必援鄭注儀禮之酢字矣然而近日又有攷周官者謂漢時本皆用酢字許氏說文特互易之鄭康成生於許祭酒書成之後廿九年許何爲而必互易此字此則爲鄭氏之學者必強許以就鄭又非平允之論矣言說文者自應作醕而漢隸自作酢奚以爲牽合爲哉

鄭固碑悍字右下橫末實出波而此轉不出波誤也
婁氏字原遂更致誤

二十陌

戚伯著碑今不見拓本此伯字左人作二直自必因
人旁篆似裏外二重皆作直下而上以橫彎貫之雖
隸勢上類撇而其近內一直之頂何至相離若是之
遠竟似另起一直筆者戚碑怪異正在學者善會耳
禮器碑宅字內上一小撇是自左而右逆掠不其出

尖非自右而左

孫叔敖碑畢字婁云去水从省然却非自此碑始也
九臯即九澤馬伏波傳已有四下羊語

二十二昔

魯峻碑昔字上半石泐正可存攷

景君碑積字左上一小筆是自左而右之逆筆非自
右而左

史晨祠孔廟銘益字上半石泐此刻足以資攷

書音
史晨碑壁字右下直穿上此失之

二十三錫

魏石經左傳錫字即洪氏隸續所稱王文康家殘拓本內有一字而三體不具者此錫字止有隸而無篆是其一也劉氏遂專錄此字其右下竟同楷書乎如執此以定魏石經錫字如此則未敢信

哲字應在十七薛旨熱切此字从才从日不與二十三錫之哲从木相同易明辨哲也書洪範曰哲時燠

若皆卽此字卽以此下所採魏受禪碑皇符照晰照
晰卽昭朗之義照非照燭字也今人誤用昭晰無疑
讀作析音與皙相混其來久矣廣韻此二字音義迥
殊豈意在宋時雖婁彥發之精研字學亦沿劉氏此
刻收入錫部尚奚以致韻致隸爲哉

石經尚書迪字左上是一點此失其上一點

二十四職

石經魯詩與史晨碑食字右上筆皆不出波此誤

石經論語子夏問孝章今尚明白色字內有一小筆此失之

二十六緝

濕字下所採四碑孔從事碑今不可見惟孫叔敖碑下濕是此部之濕也蘇衡等題名碑及韓勅碑陰皆云平原濕陰攷漢書地理志平原郡濕陰縣師古曰濕音宅合反此地名濕字漢人隸書皆寫作濕即後幅二十七合之濕字也非燥濕之濕

景君碑立字上二筆左右皆不出波

三十二洽

華山亭碑陝字是縣名之陝不應入此部此在前第六卷所已收

隸韻攷證卷下終

碑目攷證

鄭三益碑

建元元年

按當作鄭三益闕銘金石錄作武帝建元二年

耶縣五官碑

元□元年

按隸續作建平耶縣碑碑文云建平五年六月
本書作元□元年元字下當是壽字洪适云建
平者哀帝之紀年其五年已改爲元壽此云五

年者與周公禮殿碑相類殆蜀道未知改元耳

蜀郡太守何君閣道碑

中平二年

按中平靈帝年號嘗從隸釋作中平元年

會稽東郡路君石闕銘

按東郡金石錄作東郡路君石闕銘地理志會稽有西部南部都尉則郡爲部字之誤無疑

張偉伯穿中記

按即隸釋張賓公妻穿中二柱左

鐵盆銘

永建五年

按永建五年黃山谷集及隸續皆作永平七年

陳君治道碑

按隸續作漢安長陳君閭道碑

費亭侯曹騰碑陰

建和元年

按鄜道元水經注云延熹三年立

平都侯相蔣君碑 元嘉二年

按隸釋云蔣君以元嘉二年卒其文有云禮畢
祥除瞻望墳塋則此碑乃後來所立漢隸字原
作永興元年不知所據

郎中王政碑

按隸續云政以元嘉三年正月卒門徒士夫相
與立此石攷元嘉三年即永興元年洪書元嘉

似誤

真道家碑

按隸續作真道家地記

臨江長碑

按歐趙諸家俱不著錄

司空孔君碑

按即隸續司空孔扶碑

劉君閣道題字

按隸釋作劉讓閣道題字

縣竹令王君碑

按隸釋作縣竹令王君神道

堵陽長劉君碑

按隸釋作堵陽長劉子山斷碑

宕渠令柳敏碑

按隸釋作孝廉柳敏碑

劉脩碑

按隸釋作慎令劉脩碑

李君西坂碑

按歐趙諸家俱不著錄

李翕析里橋郝閣頌

熹平元年

按碑文作建寧五年是歲五月改元立碑時當

在五月之前

廷尉仲君碑

按金石錄作廷尉仲定碑

先生婁壽碑

熹平□年

按隸釋作元儒先生婁壽碑云熹平三年

司隸校尉楊淮碑

熹平四年

按即司隸校尉楊淮表紀碑文立於熹平二年

二月本書作四年誤

沈子琚縣竹江堰碑

按隸釋作廣漢太守沈子琚縣竹江堰碑

費鳳碑陰

按隸釋云此費鳳別碑費氏父子三碑今並立於吳興校官之壁不知者指此爲碑陰

漢石經

光和六年

隸韻

攷證

五

按范史及各書皆云熹平四年立本書作光和六年誤

幽州刺史朱龜碑 中平元年

按金石錄作光和六年隸釋字原並作中平二年今碑文殘缺無年月可攷

冀州郭從事碑

靈帝光和三年 按郭從事碑以下原本碑目殘缺故詳補于後

按隸續作冀州從事郭君碑

義井碑陰

光和三

按隸釋作舜子巷義井碑陰

孔耽碑後字

光和五年

按孔耽碑見本書碑目碑後字見洪适隸釋云
有子得述父之句則是孔君自作壽藏而厭子
刊石據此則碑後字亦刻於同時也

秦頡碑

中平三年

按隸釋作南陽太守秦頡碑

陳度碑 中平四年

小黃門譙敏碑 中平四年

趙相劉衡碑 中平四年

巴郡太守張府君功德叙 中平五年

按隸釋作巴郡太守張納功德叙

張納碑陰

陳仲弓碑

中平五年

陳仲弓壇碑

按陳仲弓壇碑見趙明誠金石錄隸釋作太邱
長陳寔壇碑兩書皆不著年月姑附於陳仲弓
碑之後

圉令趙君碑

獻帝初平元年

周公禮殿記

初平五年

按隸釋作益州太守高朕修周公禮殿記云獻
帝初平五年正月朔己改元興平矣此碑書九
月事尚用初平者天下方亂道路擁隔置郵到
蜀稽晚也

巴郡太守樊君碑

建安十年

按隸釋作巴郡太守樊敏碑

高頤碑

建安十四年

按隸釋作益州太守高頤碑

高頤闕碑

建安十四年

按高頤二闕隸釋不著年月婁機漢隸字原云

建安十四年立

綏民尉熊君碑

建安二十一年

按隸釋作綏民校尉熊君碑

戚伯著碑

以下漢刻無年代可攷

隸韻

攷證

八

按隸釋云世祖建武三年章帝章和元年威宗
建和元年獻帝建安十二年皆丁亥也碑有太
歲丁亥字當是建武或章和年所刻者

麟鳳碑

按隸釋所載有二碑一無年月一爲永建元年
立像下有贊碑陰記文共百有餘字本書所載
祇一麒麟字不知何碑

太尉楊震碑

太尉楊震碑陰

按漢隸字原碑目震以延光三年卒此碑乃震
孫沛相統門人陳熾等所立蓋在建寧以後也
執金吾丞武榮碑

按漢隸字原碑目碑云遭威帝大憂戚哀隕而
亡當在靈帝時也或云在建寧時其說不可信

董恢闕

按當作不其令董恢闕隸釋云恢孝靈時人

袁良碑

按隸釋作國三老袁良碑云良以順帝永建六年卒其孫衛尉滂立此石滂以光和年爲相其作九卿當在靈帝之初

許或夫人碑

按漢隸字原司農劉夫人碑漢太尉許或之室也碑之立在光和之前吳處厚青箱雜記作許或隸續亦作許馱云范紀光和四年馱以衛尉代劉寬爲太尉漢書馱字作馱或碑文或字乃馱字之省文耳然碑石已亡無從攷證

銅雀瓦銘

銅臺瓦銘

按魏武帝作銅雀臺在建安十五年本書銅雀
瓦載一安字銅臺瓦載一建字疑是建安時物
或銅臺瓦銘銅字下脫一雀字耳

酸棗令劉熊碑

酸棗令劉熊碑陰

浚儀令衡立碑

光祿勳劉曜碑

荊州從事苑鎮碑

富春丞張君碑

司空殘碑

魯相謁孔子廟碑

按隸釋作魯相謁孔廟殘碑

相府小史夏堪碑

督郵斑碑

費汎碑

按隸釋作梁相費汎碑

任君殘碑陰

楊宗墓道碑

按趙明誠金石錄作益州太守楊宗墓闕銘

四老神祚机碑

祚當作胙

按隸釋作四老神坐祚机碑

中山相薛君碑

按隸續云漢故益州刺史中山相薛君巴郡太守宗正卿成平侯劉君碑碑文有祭死者及薛劉征討字殆是紀述平寇之事趙氏誤以爲墓刻故云古無兩人共立一碑

金鄉長薛君碑

按金石錄作金鄉長薛君頌

楊著碑

按隸釋作高陽令楊著碑

楊著碑陰

唐公房碑

按當作仙人唐公房碑

唐公房碑陰

處士嚴發碑

嚴發殘碑

金恭碑

金恭闕

按隸釋作處士金恭闕

龐公神道

按即隸續所載涪陵太守龐公神道公疑公字之誤也

中部碑

張君墓道碑

按隸釋作清河相張君墓道

是邦雄傑碑

郎中郭君碑

韋氏神道碑

仲秋下旬碑

汝南令碑

按即隸續所載汝南上蔡令神道

高直闕碑

益州城隍碑

司馬孟臺神道

按隸釋作上庸長司馬孟臺神道

應酬題名碑

隸韻

攷證

古

按隸釋作故吏應酬殘題名

征南劉君神道

按隸續作征南將軍劉君神道

司馬季德碑

按隸續作防東尉司馬季德碑

宋恩等題名碑

按隸釋作學師宋恩等題名云歐陽公以爲漢

文翁學生題名非也

蘇衡等題名碑

按隸釋作平原東郡門生蘇衡等題名

宗季方題名碑

按隸續作龍門禹廟宗季方題名

詔賜功臣家字

公乘伯喬題名

李翊夫人碑

張元題名碑

按疑即漢隸字原所載張元殘碑

劉君碑

巴相碑

永陽高君碑

孔廟後碑題名

無名碑題名

豆觴碑陰

斜谷典匠題名

按以上七碑歐陽修集古錄歐陽棐集古目錄
趙明誠金石錄洪适隸釋隸續婁機漢隸字原
漢隸分韻皆不著錄

漢鏡銘

按即隸續所載駙氏鏡銘

漢磚銘

器物銘

按宋人以銅器拓本勒石彙爲一帙題曰器物銘見金石錄本書所載即此帖也

魏大饗碑

魏文帝延康元年

魏尊號奏碑

延康元年

按隸釋作魏公卿上尊號奏

魏受禪表 黃初元年

魏修孔子廟碑 黃初元年

橫海呂將軍碑 黃初二年

按隸釋作橫海將軍呂君碑

魏修老子廟詔 黃初三年

按隸續作魏下豫州刺史修老子廟詔

魏大饗記殘碑 黃初三年

范式碑 明帝青龍三年

太僕荀君碑 廢帝正始五年

太僕荀君碑陰

膠水令王君廟門碑 以下魏刻無年代可必

按隸續作膠東令王君廟門斷碑碑文云黃初

中卒

甄后識坐函

按隸續作甄皇后識坐版函云此乃明帝時所刻者

石經左傳

按隸續作三體石經左傳遺字云刻於正始中郭輔碑

按隸釋作先生郭輔碑碑無年月時代歐陽以

爲漢趙以爲魏晉今碑有兩昭字晉人所諱疑此是魏刻

趙相雍府君闕碑

按隸釋云漢故趙國相雍府君之闕全類魏晉間所書劉脩及劉淵國中所刻碑亦題爲漢存於今如車騎將軍闕成獻王碑是也

梁休碑

按隸續作司徒掾梁休碑碑錄云建安二十七年立此黃武前一年也豈吳人尚用漢歷乎否則誤字也

北嶽祠堂頌

晉武帝泰始六年

右將軍鄭烈碑

太康四年

張平子碑

穆帝永和四年

按水經注及隸釋皆不著年代惟漢隸字原云

永和四年立

按殘本碑目首行云漢碑年號見本碑一百七十七今祇有一百六十種缺十七種取本書中所引之碑有年代而碑目缺者自冀州郭從事碑至綏民尉熊君碑共一十七種適符一百七十七之數蓋仿趙明誠金石錄例漢碑有年代者爲一類無年代者爲一類今將所引碑目合

漢魏晉都爲一卷統計二百六十一種存於今
者王恭子闕北海相景君碑景君碑陰長史武
班碑楊君斜谷碑武梁祠堂畫像孔廟置守廟
百石孔龢碑孔謙碣韓勅造孔廟禮器碑禮器
碑陰鄭固碑孔宙碑孔宙碑陰竹邑侯張壽碑
衛尉衡方碑史晨祠孔廟銘史晨饗孔廟後碑
李翕西狹頌李翕黽池五瑞碑呂國等題名博

陵太守孔彪碑孔彪碑陰李翕析里橋郝閣頌
魯峻碑魯峻碑陰司隸校尉楊淮碑溧陽長潘
校官碑蔡邕石經尚書石經魯詩石經儀禮石
經論語石經公羊白石神君碑尉氏令鄭君碑
鄭君碑陰圉令趙君碑麟鳳碑執金吾丞武榮
碑仙人唐公房碑公乘伯喬題名鵠氏鏡銘魏
大饗碑魏公卿上尊號奏受禪碑修孔子廟碑

范式碑膠東令王君石闕四十七通石已亡而
重刻者桐栢淮源廟碑淳于長夏承碑成陽靈
臺碑靈臺碑陰四通石已亡而有舊拓本者西
嶽華山廟碑婁壽碑婁壽碑陰幽州刺史朱龜
碑小黃門譙敏碑已郡太守樊敏碑酸棗令劉
熊碑七通自南宋迄今僅四百餘年而古刻之
存於世者較劉球所見之本已不及四分之一

墨寶貞珉日就湮沒毋怪歐趙洪婁諸公之倦
倦於此也

秣陵陶士立慎齋摹 上元柏志高刊

宋榻之精者墨色如
漆神采奕然余見宋
高宗臨帖帝所刻
者如此今人以解
翼輕

楊為宋楷此釋

臣師前應車沈亭刻

每字宜為往壽殿本

聖聖王太常珍貴德

義乃不下一語余以所
見生確為補缺者

夢其昌